



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-458-6/22**
Datum: **22.11.2022. godine**

«Agencija za vodno područje rijeke Save» Sarajevo rješavajući po službenom zahtjevu Ministarstva za prostorno uređenje, promet i komunikacije i zaštitu okoline Zeničko-dobojskog kantona za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta betonare kapaciteta 50m³/h u naselju Očazi, grad Visoko a u postupku pribavljanja urbanističke saglasnosti po zahtjevu pravnog lica «VI-BETON» d.o.o. Visoko, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Pravnom licu, «VI-BETON» d.o.o. Visoko daje se prethodna vodna saglasnost za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta betonare kapaciteta 50m³/h koji se planira graditi u naselju Očazi na zemljištu označenom kao k.č. broj: 1694/2 K.O. Moštre, grad Visoko a u postupku pribavljanja urbanističke saglasnosti i okolinske dozvole ukoliko je za predmetni objekat i aktivnost potrebna okolinska dozvola.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode (za tehnološke potrebe i hidrantsku mrežu) i ispuštanje sanitarno-fekalnih otpadnih voda iz predmetnog objekta, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 1. i 2. i stav (3) Zakona o vodama.
3. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 3.1. Da je planirana aktivnost izgradnje predmetnog objekta usklađena sa važećom prostorno-planskom dokumentacijom i razvojnim planovima grada Visoko.
 - 3.2. Da se u okviru projektnog rješenja primjene tehničko-tehnološke mjere kojima će se spriječiti kontaminacija vode, tla i zraka.
 - 3.3. Izraditi investiciono tehničku dokumentaciju potrebnu za pribavljanje vodne saglasnosti za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i ispuštanje tehnoloških otpadnih voda u prirodni recipijent sa lokaliteta predmetnog objekta betonare u naselju Očazi – Poslovna zona kojom će se jasno definisati potreban tretman tehnoloških otpadnih voda u cilju postizanja propisanih uslova kvaliteta vode u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) koja su bitna za konkretan slučaj, a naročito:

- Na osnovu proračuna količina vode potrebne za nesmetan rad objekta betonare, obraditi tehničko rješenje snabdijevanja vodom, dovođenja vode do objekta i mjerenja količina utrošene vode, sa svim potrebnim grafičkim prilogima i tehničkim opisom.
 - Kompletan proračun kvantitativnih i kvalitativnih karakteristika tehnoloških i ostalih otpadnih voda koje nastaju na lokaciji predmetnog objekta sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent.
 - Dati tehničko rješenje tretmana tehnoloških otpadnih voda nastalih spravljanjem betona, pranjem procesne opreme i sa svim potrebnim proračunima i tehničkim opisom sa definisanim načinom ispusta prečišćenih voda u recipijent.
 - Dati rješenje prikupljanja i odvodnje oborinskih onečišćenih voda sa platoa oko objekta, saobraćajnih i manipulativnih površina, te način prečišćavanja i disponiranja istih.
 - Predvidjeti ugradnju okna za monitoring prije ispusta prečišćenih voda u recipijent.
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
- 3.5. Usvojenim sistemom prečišćavanja otpadnih voda mora se obezbjediti da prečišćene otpadne vode, prije ispuštanja u recipijent – rijeka Bosna, zadovolje granične vrijednosti emisija otpadnih voda definisane u prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. U cilju onemogućavanja ili smanjenja štetnih posljedica velikih voda rijeke Bosne ranga pojave 1/100 na predmetnu parcelu, projektnom dokumentacijom dati tehničko rješenje zaštite predmetnog lokaliteta i objekata predviđenih na istom.
 - 3.7. Projektnom dokumentacijom definisati da se opasni i neopasni materijal i otpad u toku rada predmetnog objekta ne smije ni privremeno odlagati na česticu «vodno dobro», odnosno u vodotok i na njegove obale i prostor unutar granica dopiranja velikih voda.
 - 3.8. Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju postrojenja u odnosu na rijeku Bosnu i druge te sagledati mogućnost nastajanja neželjenih uticaja na kvalitet površinskih i podzemnih voda.
 - 3.9. Projektnom dokumentacijom sagledati sve moguće neželjene uticaje planiranih radova na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično i dati prijedlog mjera za uklanjanje odnosno ublažavanje tih utjecaja.
 - 3.10. Pri izradi tehničke dokumentacije pridržavati se uslova iz Rješenja o urbanističkoj saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
 - 3.11. Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
 5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže:
 - 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 6.2. Rješenje o urbanističkoj saglasnosti i okolinskoj dozvoli
 - 6.3. Dokaz o izvršenoj uplati upravne takse u iznosu od 60 KM.

7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ministarstvo za prostorno uređenje, promet i komunikacije i zaštitu okoline Zeničko-dobojskog kantona u postupku izdavanja urbanističke saglasnosti za izgradnju objekta betonare kapaciteta 50m³/h koji se planira graditi u naselju Očazi - Poslovna zona na zemljištu označenom kao k.č. broj: 1694/2 K.O. Moštre, grad Visoko a po zahtjevu Investitora «VI-BETON» d.o.o. Visoko, uputilo je po službenoj dužnosti dana 08.09.2022. godine zahtjev za izdavanje prethodne vodne saglasnosti za predmetni objekat nadležnoj «Agenciji za vodno područje rijeke Save» Sarajevo.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata te je dopisom broj: UP-1/21-1-40-458-2/22 od 09.09.2022. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-22-000362 izdatog dana 05.04.2022. godine od strane Općinskog suda u Zenici,
- Ovjerena kopija Uvjerjenja o registraciji poreznog obveznika izdatog dana 09.02.2022. godine od strane Porezne uprave Federacije BiH – Kantonalni porezni ured Zenica,
- Saglasnost broj 7/22 za priključak firme «VI-BETON» d.o.o. Visoko na vodovodnu i kanalizacionu mrežu u naselju Donja Zimča data dana 29.09.2022. godine od strane Savjeta MZ Zimča, Grad Visoko,
- Kopija izvoda iz prostorno-planske dokumentacije broj: 04/1-19-1-32/21 upućenog dana 03.06.2022. godine Ministarstvu za prostorno uređenje, promet i komunikacije i zaštitu okoline Zeničko-dobojskog kantona od strane Službe za urbanizam, stambene, geodetske poslove i katastar nekretnina Grada Visoko (sa mišljenjem i grafičkim priložima),
- Izvod iz prostorno-planske dokumentacije broj: 04/1-19-1-53/22 izdat dana 05.10.2022. godine od strane Službe za urbanizam, stambene, geodetske poslove i katastar nekretnina Grada Visoko (sa grafičkim priložima),
- Kopija katastarskog plana za parcelu označenu kao k.č. broj: 1694/2 K.O. Moštre izdatog dana 28.09.2022. godine od strane Službe za urbanizam, stambene, geodetske poslove i katastar nekretnina Grada Visoko,
- Zemljišnoknjižni izvadak broj: 041-0-NAR-22-018 162, ZK uložak broj 1523 izdatog dana 28.09.2022. godine od strane Zemljišnoknjižnog ureda Općinskog suda Visoko,
- Studija za ishodovanje prethodne vodne saglasnosti za Betonaru investitora «VI BETON» d.o.o. Visoko urađena od strane «PERSPEKTIVA-inženjering» d.o.o. Visoko (šifra: 98. PVS.PER.IX/22, septembar 2022. godine),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 25.10.2022. godine obavještena javnost putem obavještenja na oglasnim pločama «Agencije za vodno područje rijeke

Save» u Sarajevu i u Uredu u Zenici, te dana 26.10.2022. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. Na osnovu uvida u priloženu dokumentaciju utvrđeno je:

- Predmetni objekat betonare kapaciteta 50m³/h planiran je u naselju Očazi u Poslovnoj zoni grada Visoko na parceli označenoj kao k.č. broj: 1694/2 K.O. Moštre, grad Visoko. Dio predmetne parcele djelimično se nalazi unutar linije koja označava 10m od linije dopiranja velikih voda rijeke Bosne.
- Sastavni dio postrojenja za spravljanje betona čine: silosi za kameni agregat kapaciteta 50m³, vaga, mješalica za beton, silosi za cement 2x100m³, komandni centar, trokomorni taložnik, radni plato, manipulativne površine, bunar, uređaj za prečišćavanje otpadnih voda. U sklopu kompleksa planiran je i administrativni objekat sa toaletima za uposlene.
- Snabdijevanje objekta vodom za sanitarne potrebe predviđeno je sa mjesnog vodovodnog sistema MZ Zimča dok se za tehnološke potrebe i hidrantsku mrežu planira izgradnja i korištenje bunara. Sanitarno fekalne vode iz toaleta za uposlene će se prikupljati zasebnim kanalizacionim sistemom sa ispuštom u kanalizacionu mrežu MZ Zimča.
- Prikupljene tehnološke otpadne vode nastale u proizvodnom postupku spravljanja betona, pranjem procesne opreme i unutrašnjosti miksera će se nakon tretmana u trokomornom taložniku sistemom recirkulacije ponovo koristiti u proizvodnom postupku kao tehnološka voda a višak vode će se zajedno sa oborinskim onečišćenim vodama sa radnog platoa i manipulativnih površina zasebnom kanalizacionom mrežom prikupljati te odvesti na tretman u separator ulja i masti. Krajnji ispušt prečišćenih voda je u rijeku Bosnu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- «VI-BETON» d.o.o. Visoko
Očazi bb, 71300 Visoko
- Ministarstvo za prostorno uređenje, promet i komunikacije i zaštitu okoliša
Zeničko-dobojskog kantona, Kučukovići br 2, 72000 Zenica
- AVP Sava, ISV – Vodna knjiga
- ⊖ Sektor 40 – arhiva
- Oglasna ploča - AVP Sava